

Presentacion di buki y CD “Insights of Truth” di Marjorie Rumnit

ORANJESTAD – Recientemente a tuma luga presentacion di e buki di poesia y disco compacto di ARTA, e pseudonimo di Marjorie Rumnit.

E buki y e disco no ta uno cu ta custumbra di mira; e ta dedica na tur edad, grandi y chikito!

Marjorie ta un persona yena cu spiritualidad y el a sa di comparti esaki cu su famia y tur otro rond di dje.

Por ehempel como mama cu ta lesa na scol cu hobennan,

guia muchanan na YMCA cu huiswerk pero tambe comparti aspectonan spiritual, norma y balornan.

E hubentud ta un di su gruponan di enfoke ya cu nos hobennan ta hopi vulnerabel. Nos tur ta desea lo miho pa nos muchanan, pero esey ta nifica cu nos mester inverti no solamente den cosnan material, pero tambe uza nos propio talentonan pa transmiti e norma y balornan cu nos a haya for di nos grandinan.

Wel Marjorie ta un ehempel

asina.

Insights of Truth ta un coleccion di prosa, poesia y tex-tonan di meditacion cu Marjorie a compila durante e ultimo diescuatro añanan. Nan ta un reflexion di experiencia propio di Marjorie tocante bida y e meta di nos bida den e mundo aki. E topiconan ta tocante Amor, Paz, Tolerancia y Fe. Nos no ta descarta cu tin desaroyonan negativo cu por influencia nos bida y stroba nos di muestra amor pa otro, pero si cada uno di nos haci un poco esfuerzo personal pa traha ariba e paz interno y transmiti mensahenan positivo, nos ta contribui na e proceso di paz mundial.

Pa medio di e buki Insights of Truth, Marjorie ta duna nos diferente herment pa logra esaki. Insights of Truth no ta un buki pa lesa un solo biaha y despues ward’e; e mester ta banda di bo cama, riba bo lessenaar pa consulta regularmente frasenan di Amor, Compasion y Paz.

Cu e buki y disco Marjorie ta muestra su talentonan, como poeta, compositor, declamado y cantante.

UNOCA un bes mas ta sinti’e



Marjorie Rumnit firmando un buki pa un lector.



Riba e foto por mira Directora di Biblioteca, Astrid Britten, e autor Marjorie Rumnit y Nilda Koolman di UNOCA na momento di presentacion di e buki.



Invitadonan presente na e presentacion di e buki y CD di Marjorie Rumnit.

honra di por contribui cu realisacion di un proyecto cu

nos ta spera cu lo haya un bon acogida den comunidad. □